

文

海

披

沙

文海披沙序

古之名人期乎不朽隨時記述
使有裁成是故片言堪採掌理
亟披異語可聞鉛槧必摘窮年
巨歲抉要鉤玄等彼紺珠方之
竹箭可謂不虛七尺無假百城

者矣余友謝君在杭天才卓朗
結撰瓌竒陳思七步未足云多
惠子五車方斯未富功勤染翰
業擅殺青復著一書名曰文海
披沙要杼獨得蕪掖前言無處
不佳時二見寶譬之梅檀以屑

即是名香絳雪充囊並稱上藥
蓋玉露之未及嘗而丹鉛之不
遑掇者也夫用之而當則柴萑
以生言之而然則廢疾以起故
曰譚言微中可以解紛奚必盡
作濂洛先生語迺始行遠哉昔

仲任論衡中郎藉為秘玩子雲
玄草桓生歎其絕倫在杭此書
度越二子余故序而傳之用貽
同好必無歎知時為絕倒之資
庶免素餐之媿云爾

萬曆己酉歲暮春友弟福唐陳

五昌伯全題

刻文海披沙序

晋安在抗谢公槐词壘
牛耳久矣曩司李震州
不佞得间窥崖略比荏苒
七閩則縱目諸著述抑何

若然也已酉冬夏予以
祝嵩且戒輶矣而謝公視
一編曰文海披沙古云披
沙簡金法見寶夾沙何
以寶也木玄虛嘗賦海矣

渾之流，名百谷王，匯之為
水，積之為沙，固可聚可
散，可深可博，瓊瑤金
屑在之，而是旃檀之果，廣
至大千八百，至以之恒河。

沙其寃也一眇一塵無非法
事不翅芥子可納須彌
非之車為牛所可勝也方今
竹筒刺藤掇壁間之冊
書翫三天之奇字不得

其解經絕事禿帚名曰
書齋鄴之架益之樓何
所尚子秋名迺謝公生夢
筆之御酉陽友妻之書
無所不窺以離朱之眸

巨靈之掌募者為巨精
疑者開其扁郭者扶其髓
形者標其神窮搜旁引
緣古謬今凡古人所已發
今人所已道盡置不收別

存天壤間一種磊落瑰奇
不可磨滅之論廣而滿海
浩淼約而派沙纖細不足
方丈劉安藥鉞達以孝刀
河沙非丹何丹非沙海上

人從鐵羅得水底珊瑚波
斯實母之丹上珠衣焉
斯詎非泥沙所產哉彼
貫休之呪沙也南郭隱人
之吹沙也與公之披沙皆

探靈秘南而百城者在于
以矣余因梓之以廣其傳
云

吳興坤永甫沈徵伯書
於書湖傳金時

萬曆己酉天中節前一
日也

文海披沙目錄

卷之一

秦淮海語

人幸不幸

武人能詩

文人妬忌

論衡相背

漢時四諱

鬼憎學問

文士苦心

焚書坑儒有本

異域君臣

賈誼

劉媪

湖目

水在天外

秦繆

項橐

將無同

姓名杜撰

崖蜜

書不可妄改

雞骨支牀

有指不至

融結

曹娥碑

版築

宋人釋書

宋禕

狼

蔡邕

避諱

髯奴詞

平陽公主

殿試角力

茵芹

平原君

龔遂趙充國

古人名姓

鵝梧丁

二千石

物有獨異

大樹將軍枯松太保

朱浚

鳳事二異

古人服善

又

爲善爲惡

暉目陰諧

吳異

五彖

卷之二

古帝王好尚

杜詩誤語

襲莊子語

窮困有命

自雨常雲

一丘一壑

郝昭韋孝寬

古人學專

高明不羈

優伶戲語

生不如死

論衡

薺芬

苗而不秀

鐵架柴贊

詩話

蔡洪語誤

伊蘭

梁孝王

竊古人書

十二流

羹名

末藝有悔

花飛引

樵談塵談

劉向

董仲舒傳奕陳仲微

溫泉寒火

婦人能文

羶根

人與物交

詩識

左右袒

觴政

黃梁夢

又

陶穀

張祿

一枝梅

鯢魚

狐刺

雞廉虎飽

兼官

千字文

蜥蜴

禍無小

虎曳鳥析

二尺四寸之律

終古向藝

卷之三

寢忌

五土

孕異

物類相伏

慕古人名

當局者迷

氏族

擇術

寧穆

盤古

婦人識鑒

司徒甲

相權

嘯旨

評量彼已

草異

雷擊人

釋常談

科場之法

智囊

筆墨官取太多

偶不以類

樹衣

夏雪夜日

芙蓉

谷聲

用筆之異

異蹟

歌姬乞食

食異

不妄稱人

武官不識字

取人以貌

畫病

文士當韜晦

定數定知

參同契

君相造命

詩文書畫

治病去賊

大臣德量

神仙所謫

疑能生病

卷之四

勿輕小事

物作人言

報應之說

賢愚不係世類

硯墨紙筆

水神求物

執金吾

心與肝應

龍虎經

却寒暑

西王母

詩文更易字面

發墓賊

相人之語

唐虞月建

四靈

論超三界

求放心喻

四少

天道難知

天人不遠

石異

名賢爲時所崇尚

諂事宦官

老人貴人婦人

世事相反

句法相似

吾儒高於二氏

人情難易

見否以爲伏虎

盡事非真

人以物重

壽

物性不遠

關王神

菜膾名

玉衣

身化

韓康伯張蕪

李固宋璟

書籍

成佛作祖手段

休官難事

化書

人君舉動不可輕

奸賊之報

微詞解紛

以地名物

六眼

異能

方朔恢諧有本

千古之恨

卷之五

木異

鳳州宣州

郭奕

物化

雨異

異名

師道

四家

物異

郗氏

嚴武

問腹

副急淚

藝有至極

奴隸中可人

又

揚用修

又

禁酒

勞逸

巫讖不足信

體物之妙

崖公蜺斗

妖惑

風水

天開眼

龜不見碑

詩文人見識不定

阿堵寧馨

家諱

臘

張子野

款乃

吃語詩

物有人心

潔疾

理之所無

宋興亡

相似而訛

胥山

白黑鬚

書名

三十六人

更鼓

禹穴

賜姓

三元

務多無用

鳳毛

一筮

墮甌鼓盆

小人痛快處

前知

纏足

妬虐之報

卷之六

前身

門客

黃金

人與行事不類

反常之物

飲酒害事

詩文愈疾

喜鵲鴝鶯

天子別稱

借錢下禮

封陟

人身藏物

福有厚薄

人在塵埃中

災木

江州橐駝

竅在無意

詩文虎

妬婦遺害

鬼物畏人

刑獄冤濫

人妖

竇氏五子

物聚必散

子弟好尚

論茶

愛官甚於生

木類有壽

宋孝宗事

不善自知

覓句營生

愈病

竒疾

盜可以德感

才不才辯

王子公孫

僞書

雲雨雷可食

五月五日生

小事不可忽

文人無行辯

得官失官

晉宋相類

有意無意

精騎羸卒

裴行儉惠遠

始皇馮道

物類相報

物有相反

寇萊公

矯鎮軍心

人不可廢言

神仙

吉凶無定

后羿子美

卷之七

毀祠毀佛

蘇長公命相

葬

戮姘婦

肉名

山資

人不如物

知味

男色

貧富相形

拾遺

石匠賢不肖

盛姬

物壽人夭

三字名字

晚達

蘇子瞻

大臣有壽

節省

所愛甚於生

托名

諂人無益

愛鵝

才士傲忽

口業報應

娶瞽女

祭古人

替代

大學士

用人

聚書

死生有命

牡丹花會

世俗之偏

落鴈破柴

改忌日生日

左手書

杜撰

食人

生易

申胥伍胥

晉乘檣杪

先給

陶穀何郊韓璜

婦人拜跪

誥勅

一至十字

一日是兩日

西游記

既入其筮

富貴不樂

兄弟詩

奢僭之報

婢隸有見鮮

古今人心不同

卷之八

藏書

食異

一字師

精思亭

夢

王涯

好名

知時

燈婢燭奴

明通雜誌誤

人與雷闢

父母子弟

楊杲宗李偉

焦門宣室

手口之異

詩賦

心同報異

異常之物有恠

中國媿於夷狄

白敏中

未藝不遇

尤物移人

守錢奴

服藥

人臣專殺

野史言

晝簾緒論

兩頭探

范質

戒殺

忽雷

涉世

賢士有助

龍虎

洗浴

曆日

姪婦

人不易知

抵鵲代薪

晚節不終

得名之難

義

鏡

天於人厚

古人之食

影異

篡賊之女

物封官

種動物

物類有親

因革失宜

文海披沙目錄終

文海披沙目錄終

三

文海披沙卷之一

晉安謝肇淛著

秦淮海語

秦淮海云予少時讀書一見輒能誦暗疏之亦不甚失然負此自放喜從滑稽飲酒者游旬期之間把卷無幾日故雖有彊記之力而常廢於不勤此數年來頗發憤自懲艾悔前所爲而聰明衰耗殆不如曩時十一二每閱一事必尋繹數過掩卷茫然輒復不省故雖有勤苦之勞而

常廢於善忘嗟乎敗慧業者此二物也

人幸不幸

造物之所最忌者名也巖穴之士稿死衡門人
不及知史不及載身名湮滅與草木同腐者衆
矣唯美姝名姣一附筆端千古不朽如西施王
嬙文君綠珠真娘蘇小鶯鶯燕燕之類不可勝
紀非獨士人喜談樂道卽村氓閨女無不知有
若人者至於亡國孤臣流離節婦若孔子之所
授軫伍員之所輟餐田橫兩客魯國二生失其

名者徃徃而是人之幸不幸如此

武人能詩

古人武夫健卒皆能詩能文而不以學問顯項籍學書不成一生軍旅至垓下悲歌幾與易水爭衡樊噲鴻門宴上排闥禁中匆匆數語畫若夙構馬援知伏波將軍及城皋令印文有誤張飛刁斗銘文法書法俱稱合作符堅老羝而有商風隕秋籜之句高敖曹目不知書而爲勅勒歌聲氣悲壯曹景宗競病兩語休文心服曹翰

以蟠花舊戰袍語得轉官此等學問皆從何處
得來豈非釋氏所謂夙根者耶

文人妬忌

沈約聞人一善如萬箭攢心衛夫人見王右軍
筆法而流涕曰此子必蔽吾名鍾繇見蔡中郎
筆法拊心嘔血李白見崔顥詩有恨不槌碎黃
鶴樓之語唐柳信言聞蕭欽死屈一脚而跳連
呼曰獨步來獨步來至於馬融忌康成之能而
欲追殺之甚矣

論衡相背

論衡一書掇擊世儒怪誕之說不遺餘力雖詞
蕪而俚亦稱卓然自信矣至驗符一篇歷言瑞
應竒異黃金先爲酒尊後爲盟盤動行入淵黃
龍身大於馬舉頭顧望鳳皇芝草皆以爲實前
後之言自相悖舛此豈足爲帳中祕哉

漢時四諱

漢時有四大諱一曰諱西益宅西益宅謂之不
祥今之住宅忌虎臂昂頭是其遺意也二曰諱

被刑爲徒不上丘墓此諱今人無之但欲使人
子孫體受全歸不令虧損其意善矣而非所論
於無辜受刑者也三曰諱婦人乳子以爲不吉
將舉吉事入山林遠行度川澤者皆不與之交
通乳子之家亦忌惡之丘墓廬道踰月乃入今
但賽祀及道流上章漁人下海則忌之餘不爾
也四曰諱舉正月五月子以爲殺父與母今不
諱也唐時三五九月不行刑曰三長月社日停
針線今亦無之今人諱最多而其大者則正五

九不上宮初五十四二十三日不出行月建月
破日不舉事動作忌太歲所在然達者徃徃不
忌亦無他患近有一二縉紳拘忌之極每日出
行宴會亦必擇方向吉利而禍敗更自不少膏
肅之疾終不可醫

鬼憎學問

倉頡作書而鬼夜哭揚子雲作太玄有人語之
曰無爲自苦玄故難傳忽然不見王遠知作易
總雷電中一老人取去是鬼常憎人學問也李

廣勤學博物夢一人出于其身語之曰身是心
之神君過相役使是以相辭倉頡等之鬼殆類
是耶彼教長卿作大人賦燃藜天祿閣上及贈
王肅墨逼退之吞篆文者定奇鬼也

文士苦心

司馬長卿作賦意思蕭散不復與外事相關揚
雄有夢腸之談曹植有胃反之論任末削荆爲
筆剋樹汁爲墨夜依林木望月映星太冲門庭
則溷皆置筆研周太朴作詩屬思不續墜落坑

墜不覺未磨吞紙實腹抱犬而所孫敬折柳寫
經睡則懸頭於梁鄭灼患熱以瓜鎮心便起誦
讀崔融爲文下直馬過其門而不覺王摩詰至
走入醋甕今人以鹵莽裂滅之學粗心浮氣剽
竊掇拾而妄意時名謂可襲取噫難矣

焚書坑儒有本

秦之禍天下至焚書坑儒烈矣而不知實本於
商鞅變法之初鞅之言曰無以爵任與官則民
不貴學問不貴學問則愚愚則無外交勉農而

不偷又曰農戰之民千人而有詩書知慧者一人
人馬千人者皆怠於農戰矣今上論材能知慧
而任之則知慧之人希主好惡使官制物以適
主心民務焉得無多而地焉得無荒又曰雖有
詩書鄉一東家一員無益於治也夫重農抑商
可耳乃并民學問而禁之豈欲愚其耳目而後
驅之戰耶故又曰民愚則智可以王執之大旨
若此是以始皇李斯襲而用之豈知有不讀書
之劉項耶

異域君臣

晉李暠據涼州好尚文典書史有脫落者躬自補葺從事欲代之暠曰所以躬自執者欲人重此典籍耳其臣熾煌劉昞尤手不釋卷暠謂之曰卿注記篇籍白日宜然夜可休息昞曰朝聞道夕死可矣孔子聖人猶不知老之將至昞何人斯敢不如此以異域之君臣值兵戈擾攘之際而好尚如此亦足嘉矣固知雞林之購元白高麗之乞歐書不足爲異也

賈誼

賈誼出傅長沙人皆以絳灌爲之也風俗通義載劉向對成帝言是時賈誼與鄧通俱侍中同位誼惡通爲人數廷譏之由是踈遠遷爲長沙太傅旣之官內不自得及渡湘水投吊書曰闔茸尊顯佞諛得志以哀屈原離讒邪之咎亦自傷爲鄧通所愬也乃絳灌諸公獨蒙譖賢之名何歟宋景文云賈生智周鬼神不能救鄧通之譖蓋指此而王浚儀困學紀聞以爲考漢史無

鄧通事豈偶未之見耶

劉媪

史記漢高帝母曰劉媪媪者老嫗之稱也注云
烏老反不過切其音耳近來村學究作小說謂
身爲天子而母不免有烏老之稱至夢中與高
祖爭辯亦大憤憤

湖目

酉陽雜俎魏元翻泛蓮子湖庖人作血羹不就
令取洛水爲之遂成清河王問之曰可思湖目

既散清河終不曉湖目之義以問房叔道曰湖
名蓮子藕能敗血故爾湖目猶言湖名也楊用
修執林伐山直以湖目爲蓮子豈上下文意未
之深考耶

水在天外

抱朴子曰天在地外水在天外浮天而載地者
水也此語恐誤當曰水在地外天在水外貯水
而浮地者天也天一生水豈水之功用能過於
天哉

秦繆

古謚法穆與繆通用秦繆魯繆關壯繆是也王充論衡謂繆者誤亂之名應劭謂秦穆所爲不善故謚曰繆皮日休秦穆公論皆以繆爲繆戾之繆非也

項橐

項橐年十二而爲孔子師聖人博學無常師卽學琴問禮問官皆師也符子記項託詆訛孔子之言文飾之詞也故皮襲美直以爲無項託

將無同

晉阮宣子論三教同異曰將無同將無猶言得無也意欲明其同而又嫌於徑言故爲婉詞耳趙德麟侯鯖錄載坡公訓將爲初竊恐未安郎仁寶以將無同爲不同尤失語意謝太傅航海風急太傅曰如此將無歸舟人卽承響回棹是也

姓名杜撰

古人姓名有正史所不載而旁家小說杜撰爲

之者後之人習而不察傳以爲真如蒼頡姓侯
剛氏神農母名女登帝摯字青陽許由字仲武
鬼谷子姓王名詡彭祖姓錢名鏗孤竹君姓墨
名台伯夷名允字公信叔齊名智字公達易牙
名巫接與姓陸名通伯樂姓孫名陽莊周字子
休杜康字仲寧漢高祖太公名熒字執嘉兄仲
名喜項伯名纏四皓東園公園秉字宣明夏黃
公崔廓字少通綺里季朱暉字文季用里先生
周述字元道蜀楊王孫名貴壺關三老姓令狐

名茂甚矣人之好異也至河伯姓呂名公子夫
人姓馮名夷船神名馮耳火神姓宋名無忌月
中人姓吳名剛東王公名傀字君明西王母姓
楊名回灶神姓張名单字子郭夫人字卿忌有
女六人皆名察五岳四海之君及夫人皆有姓
名則神亦僞爲之姓名矣至於連山三墳則并
其書而僞之矣孔子所爲嘆史之闕文也有以
夫

崖蜜

蘇長公橄欖詩待得餘甘回齒頰已輸崖蜜十分甜崖蜜者蜂於石崖上作蜜晉陸士衡詩崖蜜珠滿盞杜少陵詩崖蜜松花熟是也冷齋夜話以崖蜜爲櫻桃不知何據野客叢書亦宗其說戴仲培鼠璞又引南海志有崖蜜子小而黃殼薄味甘豈以昔人有棗子甜多時之說故必求菓類以實之耶况蘇公性嗜蜜此尤一證

書不可妄改

古人書中語有本自平易而後人以意妄改者

春秋星隕如雨此常言耳而釋者改如爲而有
何意義蘇秦寧爲雞口毋爲牛後此自諺語易
曉且韻亦叶而必改爲雞尸牛從何其艱且晦
也落霞孤鶩自是綺語而釋者以落霞爲飛蛾
今日不雨明日不雨必有蚌脯韻語也而必改
雨爲雨殊費解釋借書一啗還書一啗此杜元
凱戒子書勿借人而引諺後人轉改爲癡又改
爲甌爲鴟愈改而義愈遠醉如泥此口頭語也
而必解泥爲無骨蟲無恙者無憂患也而解恙

爲獸名則齊后問歲無恙豈獸能食歲耶風馬
牛言風與馬牛遲速不相及耳而解爲牝牡相
交天子呼來不上船本謂登舟也而釋船爲衣
領小兒識字強作解事語不知適見笑於大方
也

雞骨支牀

王戎雞骨支牀注者不解所以後人讀者釋有
二義一云飲酒食肉所棄雞骨至可支牀一云
瘦骨若雞僅堪支持牀上二說覺後者爲長

有指不至

莊子曰有指不至有目不見世說客有問樂令
此語者樂不復解但以塵柄閣几上云柄至
几上可謂至矣而復可提而去之則未爲至也
蓋有指則有形有形則可以至亦可以去惟無
形之至莫能去之方爲至耳今世說本作樂令
旨不至者遂令人讀之茫不可解

融結

宋孝宗問王過曰李融何以字若川過對曰天

地之氣融而爲川結而爲山李融之字若川猶
元結之字次山也上大悅世但謂過此對出於
一時捷給之語不知元結實有弟名融字季川
過之言自有所本也

曹娥碑

世說載魏武過曹娥碑下讀黃絹幼婦題按曹
娥碑在會稽中曹操未嘗南行至此何由得見
卽劉孝標注亦疑此余按三國志演義中載操
征漢中時過蔡琰庄見有碑刻云云此雖小說

於理爲近足破千古之疑又按典略以爲陳太丘碑當亦以前事矛盾故更之耳不知黃絹語出李北海曹娥碑當時下筆必有考據

版築

書曰說築傅巖之野孟子曰傅說舉於版築之間聖賢未遇自無常處舜不厭耕稼陶漁傅又何以版築爲諱宋人乃必釋築爲居過矣

宋人釋書

古人文字使事亦有不經意語或隨俗語本無

深味者至宋人解釋旁搜遠引紛拏蜂起然竟無一定之說如釋甘泉賦玉樹青葱史記左右袒漢書罽毼杜詩綠沉槍烏鬼等語皆千餘言令人厭懣何益於事

宋禕

宋禕是石崇妓綠珠弟子一云姊子有國色善吹笛晉明帝幸之疾篤以賜吏部尚書阮遙集者世說稱爲王敦妾後又屬謝尚不知一人耶二人耶劉注宋禕未詳則又失於深考矣按謝

尚又有妾阿紀善吹笛尚死守志爲北中郎婦
曇以計得之則阿紀之笛當是宋禕所教也

狼

禽獸中爲人口實者多矣然皆美惡相半卽狗
彘亦然惟狼最多而皆非美稱言殘忍曰豺狼
曰虎狼聲不美曰狼聲毒曰狼毒狼曰狼狼有
反相曰狼顧無義曰中山狼恣食曰狼貪無厭
曰狼貪掣肘曰狼跋奔走曰狼竄不檢曰狼籍
又曰狼戾失次曰狼狽疾曰狼疾邊警曰狼烟

佻闐曰狼子野心賊星曰天狼立墓精曰狼鬼
察賊蟲曰狼筋

蔡邕

楊子雲劇秦美新法言曰自周公以來未若漢
公之懿也至今文士皆爲口實余讀蔡中郎集
有袁太尉董公爲相國一表詞甚詳切謂卓生
應期運氣稟山岳黜廢頑凶爰立聖哲而辭疾
讓位垂羣生仰望之心宜益隆委任責以相業
之成此等議論與子雲無異使邕不爲此表犯

卓之怒不過死死卓與死允等耳懼勢畏死乃
卒不免身名俱殞悲夫

避諱

古人避諱最嚴臨文稱呼多所更改相沿至今
習以爲常然有必當改正者秦始皇諱政今猶
謂正月爲征月吳王女諱二十今猶以二十爲
念漢文帝諱恒今猶以恒山爲常山安帝諱慶
今猶以慶湖爲鏡湖晉簡文后諱春今猶以富
春爲富陽唐世祖諱虎今猶以虎林爲武林王

館諱會今猶以會稽爲鄣稽世代已更而諱名
不復甚無謂也又其甚者以漢武諱而令蒯徹
名通以漢明帝諱而令君平子陵皆失故姓郡
名灘名俱從嚴以司馬昭諱而令王嬙易名明
妃以石敬瑭諱而令唐毅爲陶毅以宋孝宗諱
而令慎德秀爲真德秀此又害理之尤者朱子
避宋諱經書注慎字皆改從謹讀者熟而不察
以慎音謹者多矣 國家偏名嫌名俱不諱而
反從先朝之諱可乎惜無一人昌言悉行改正

始爲一快耳

髯奴詞

黃香髯奴詞云離離若綠坡之竹鬱鬱若春田
之苗

平陽公主

讀漢平陽公主嫁衛青事不覺太息公主貴矣
卽擇尊賢者尚之則丞相御史大夫皆可何必
大將軍主旣嫌衛舊爲我家馬前奴矣卽擇廷
臣尊貴稍亞大將軍者亦何不可而必嫁青青

亦不以爲嫌娶之而不辭也漢俗之薄惡甚矣
然武帝家法以樂大方士猶得尚公主其壻青
又安足恠

殿試角力

宋文帝與羊玄保賭玄保勝遂得宣城太守陳
敬瑄與師立牛勦羅元景以打毬爭三川敬瑄
獲頭籌遂授節鉞識者笑之然偏安亂朝固不
足恠宋藝祖開寶四年廷試例以先納卷爲魁
時王嗣宗與陳識同納卷子上命二人角力以

爭之嗣宗得勝遂爲第一而識居第二荆業之
主亦爲此見戲舉動邪涑水紀聞云嗣宗與趙
昌言手搏角力恐誤昌言係太平興國四年胡
旦榜第二人也

箇井

風俗通載豫章徐孺子爲太尉黃璜所辟初不
答命璜薨旣葬負箇井涉齋一盤醢哭於墳前
無有謁刺事訖便去

平原君

平原於四豪中稱劣一詘於信陵再屈於春申
然其譽不少損者何也善乎其對秦王之言曰
富而爲交者爲貧也貴而爲交者爲賤也夫魏
齊者勝之友也在固不出也今又不在臣所凜
凜數語千載之下尚能動人况在當時唐人詩
曰未知肝膽向誰是令人却憶平原君

龔遂趙充國

龔遂入朝王生戒之曰天子卽召見問何以治
渤海宜曰皆聖王之德非小臣之力也遂旣召

見如王生語對上曰嗟乎安得長者之言而稱之趙充國平羗自金城還入朝或教充國如王生指充國曰吾老矣豈嫌伐一時之功以欺明主卒以其意對上亦是之兩人意見不同如此龔近於諛趙近於伐然龔治行也不妨歸美於上趙軍務也利害機宜豈可避嫌而不言故余謂兩人皆長者也

古人名姓

古人複名複姓似必不可改然古碑云司馬墓

蘭相庾信詩有無復申包王摩詰詩人疑列禦
至杜詩劉牢出外甥則名可刪也杜詩云日下
孫弘閣葛亮貴和書有篇則姓可削也山谷詩
樂羊終媿巴西則名可顛倒也古人文字政不
拘拘然終爲白璧之微瑕

鵝梧丁

宋太學生張行簡醉卧西湖爲女恠所迷要與
入城婦曰可尋鵝梧丁二枚貼於錢唐門則吾
得入矣張曰何物曰杖瘡膏藥也如其言遂偕

入城事見玉照新志此名甚新爲拈出之

二千石

二千石石字卽古鈞石之石五權之名北人多讀作旦音非也漢明帝起居注上令虎賁王吉射烏吉祝曰烏鳴啞啞入聲引弓射之中左腋陛下壽萬年臣爲二千石又皇甫規傳時人語曰徒見二千石不如一逢掖則石音如字久矣桓玄謂劉毅家無擔石沈存中筆談謂一斛爲一石則石非擔又明矣

物有獨異

天下溫泉皆作硫黃氣獨黃山溫泉無氣天下
瀑布皆有聲獨鴈蕩瀑布無聲天下海棠皆無
香獨昌州海棠有香天下鱸魚皆兩鰓獨松陵
鱸魚四鰓

大樹將軍枯松太保

後漢光武諸將會聚多相爭論功獨馮異避大
樹下雪中謂之大樹將軍唐王建平東川諸將
莫不爭功獨王宗裕立枯松下未嘗自言時人

謂之枯松太保二者可謂的對

朱浚

朱浚晦翁曾孫也諂事賈似道每進劄子必曰
某萬拜時人謂之朱萬拜然其後元兵入建寧
執浚欲降之曰豈有朱晦翁孫而失節者遂自
經均一朱浚也何其諂附權貴於前而能抗節
死難於後若兩截人耶今人但知朱萬拜而不
知其死節足以自贖也

鳳事二異

偶徵鳳事耳目所睹記者多矣其中有二事最
異今錄於此以資談柄金太和四年六月磁州
武安縣南鼓山北石聖臺有鳳從東南來衆鳥
圍之大者在內小者在外以萬萬計村民懼爲
官司所擾驅牛數十頭擊拊以從欲逐去之未
至二里卽有鷲鳥振翮逆擊翼長丈餘擊水牛
皆死肉盡見骨於是報官鳳高丈餘尾如鯉而
色殷九子差小翼其旁鳳爲日照則有二大鳥
更迭盤旋庇蔭之日入乃下凡三日乃從西比

摩空而去縣中三日無鳥雀鳳去後人視其處
有食殘鯉魚數頭皆重五六十斤臺傍溝澮鳥
糞皆滿小禽折翅死者甚衆村民掘臺下三尺
許得金劍不可取折其半煨之化爲金蟬飛去
此一異也華陰有鳳居山一名龍骨云唐開元
中有鳳逐二龍至此龍墮地化清泉二道鳳憤
而死其一龍被鳳爪傷流血泉色遂赤鳳死時
山之僧以石函瘞其骨於山巔壘磚爲塔覆之
因以名山景泰癸酉鄉民因築城盡取塔磚石

函始露上有刻字景祐四年重修啓函鳳脛骨
長二尺圍可六寸股骨長一尺五寸圍如脛骨
其潔如玉故老云鳳喜食龍腦故龍畏之此亦
一異也

古人服善

古人真自服善非直成人之美抑亦全己之名
如文考靈光賦成中郎輟筆平叔一見輔嗣改
注爲論夏侯太初見三國志遽壞已作孟浩然
微雲踈雨兩語遂令一坐罷唱楊汝士蘭亭金

右兩語元白不敢復加元李氏有古紙長二丈
許相傳四世請趙子昂書子昂歎其精絕不敢
落筆但題其尾如此氣味今人所無

又

戴良少所推服每見汝南黃憲悵然若有所失
謝子微高才遠識見許劭十歲時便自推服田
已見魯仲連終身不談崔羣與韓愈往還二十
年不道文章劉整有雋才見蔡子尼在坐終日
不安

爲善爲惡

范滂臨刑謂其子曰吾勸汝爲惡則惡不可爲
勸汝爲善則我不爲惡宋詹事劉湛以義康黨
被收謂弟素曰相勸爲惡惡不可爲相勸爲善
政見今日此兩人語正同又趙姬女臨嫁出門
勸之曰慎勿爲善女曰當爲惡耶曰善且勿爲
况惡乎此語意又別前語悲涼後語玄著

暉目陰諧

暉目知晏陰諧知雨暉目鴉也其雌者爲陰諧

吳異

吳之將亡犬羣噪而入淵彘衝菹而適奧燕雀剖而蛭蚘生食蘊菹而蛭日浴清水而遇蠆

五弧

今人知有桑弧而不知五方之弧東方之弧以梧其牲以雞南方之弧以柳其牲以狗中央之弧以桑其牲以牛西方之弧以棘其牲以羊北方之弧以棗其牲以彘

見新書

文海披沙卷之一終